



□



Future-proofing our children

Sitopa sa banana ba banyinyani

Toho ya Tuto

To be Secure

Buka ya Bashemi
Sikolo sa lasunda mwa malapa



Balatiwa Bashemi

Mwa amuhelwa kwa tuto yeli: **“Ku ba ya silelelizwe”** Sikolo sa Lasunda.

Pampili ye imifa liseli nyana kamo mukona kulutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa ku eza
1.	<p>Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp:</p> <p>https://bit.ly/3NACSSHS</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendisio za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki Lasunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa Lasunda, Lituto ya Bibebe ni Tiisezo - SS1, R11 or Confirmation).</p> <p>2.4: Mulizeze kapa ku ikopanya ni muluti wa sikolo sa Lasunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Kufa tuto ya Sikolo sa Lasunda mwa malapa

Mo mu kona ku itukiseza ni kufa tuto

Lu zwelapili ku ikabela mikwa yeo muswanela ku itukiseza ni kufa tuto:

Muhato	Sa ku eza
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa Lasunda (Ni na ni lata ku...)
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa Lasunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Mu bate tuso ku Muongaongi kapa Muluti wa Sikolo sa Lasunda mwa kopano.

Tuto



Toho ya Tuto

Ku ba ya silelelizwe

Mutomo/butokwa bwa tuto

Tuto ya kecenu i lu luta kuli kamita lu be ba ba silelelizwe

Tuto ye kusufalizwe:

“Ku ba ya silelelizwe”

Ni lumela kuli mwa nako ya bupilo bwa luna se lu kile lwa fiwa silelezo ni pabalelo ki mutu yomuñwi.

Tuto ya Sikolo sa Lasunda kacenu ki ya ku ikutwa ku ba mwa silelezo. Likande le ha si la mwa bibebe, batili, kono li bapanywa ni kamo Jesu a sileleza ni ku babalela bana ba Hae.

Likande le ki la lubasi bo ne bai le kwa pumulo, mi ba ipumana ba li mwa liñungwa. Banana ba kenelwa ki sabo, mi ba tokwa silelezo ni ku omba-ombiwa ki bashemi ba bona. Ndat’a bona a lapelela Mulimu ku kupa silelezo ya lubasi lwa hae.

Mulimu a alaba tapelo ya hae, mi liñungwa la fela.

Banana ba kutelwa ki buiketo hape, mi ba ngiwa ki buloko.

Cwale ha mu buhe video ni mwan’a mina kuli mu ikole likande ka kutala.



Tuto ya kacenu i lu luta sikamañi?

Ni ha lu ka ba mwa buino mañi, Mulimu u ka lu sileleza nako kaufela.

Cwale banana, lu itutileñi mwa tuto ya kacenu:

- Kamita mu sepe ni ku lumela ku Mulimu.
- Mu si ke ku saba.
- Mu zibe kuli mwa latiwa.
- Mu zibe kuli Mulimu u ka mi sileleza.
- Mulimu u utwa litapelo za luna.

Zeñwi za lipuzo zo lu kona ku buza:

- **Puzo:** U ikutwa cwañi haiba inge u fiwa silelezo?
Kalabo: *buiketo, lilato, silelezo.*
- **Puzo:** Kanti u kona ku bulela ku mañi haiba u ikutwa ku ba ni sabo?
Kalabo: *Ndat'a luna wa lihalimu mwa tapelo, Bashemi.*
- **Puzo:** Kana u kona ku inga musipili ni mutu yo u sa zibi nji?
Kalabo: *Batili.*
- **Puzo:** Musilelezi wa hao ki mañi?
Kalabo: Mulimu.



Litapelo za luna:

Tapelo ya Ndate ni Me ye fiwa pili tuto i sika tateka kale:

Ndate ya sishemo wa lihalimu,

Lwa itumela kwa sishemo sa mina mwa lizazi la kacenu.

Lwa itumela kwa pabalelo ya Mina.

Lwa kupa, mu lu fuyole ni ku lu sileleza.

Mi lu tuse ku ba bashemi ba ba tezi lilato ni silelezo.

Kozo ya Mina ibe mwa lipilu za luna kamita.

Mu fuyole Baluti ba luna ni balikani ni mabasi a luna.

Mu fuyole tuto ya Sikolo sa Lasunda ye, ni kuli mu lu lute tato ya Mina.

Lu tokwa ku sepahala kufitela Mu kuta.

Lu kupa zeo kaufela mwa Libizo la Mina le li kenile. Amen.

Tapelo kasamulaho wa tuto:

Ndate ya lilato ya mwa lihalimu.

Lwa itumela kwa pabalelo ni tonelo ya Mina.

Lwa itumela ka pabalelo ya mangeloi a Mina, ni ku lu sileleza kwa likozi.

Lwa itumela ka ku lu lumeleza ku ba ni tuto yende ya sikolo sa Lasunda.

Lu kupa kuli tuto ya Mina i inelele mwa lipilu za luna.

Mu fuyole Yomuhulu Muapositola mane ni baluti kaufela, kuli ba be mwa silelezo ha ba inzi mwa maeto.

Ha mu tuse ni ku sileleza banana kaufela kuli ku sike ku ba ni yo ya ba eza maswe.

Mu sileleze basupali, limbelwa ni bakuli.

Haiba le ki lona lizazi leo mu kuta ka lona, lwa kupa mu lu ngele ku Mina.

Lu kupa zeo kaufela, mwa libizo la Jesu. Amen.